

NJIRA YOPEREKWEDWA NDI

MULUNGU YA TSIKU LINO

 . . . mphindi chabe pamene ife tikuweramitsa mitu yathu.

Atate athu Akumwamba, ife tikukuthokozani Inu chifukwa cha Yesu Khristu, malonjezo Ake aakulu amene Iye waperekwa kwa ife. Ife tikukuthokozani Inu chifukwa cha zinthu zonse izi. Ife tiri pansi pa ziyembekezero zazikulu muno mu mzinda uno pakati pa Akhristu abwino awa. Ife tikuyembekezera kumuwona Iye akuyenda pakati pathu akuwonetsa kukhalapo Kwake, kuwapatsa anthu chikhulupiro, kuwalimbikitса iwo kuti akhulupirire. Ndicho cholinga chathu chokhalira pano, Atate. Ife tikudziwa kuti tikhaza kukudalirani Inu. Ife sitikhumudwitsidwa. Pakuti ife tikupempha izi mu Dzina Lake. Ameni.

Inu mukhoza kukhala pansi.

Ndinali wokondwa kwambiri mmawa uno kukhala ndi kadzutsa uyu ndi gulu labwino ili la atumiki kuno mu mzinda. Ndipo chotero ife... . Ine ndikuganiza a—abale anajambula izo ngati winawake angazifune izo. Nthawi yotere ya chiyanjano yomwe ife tinali nayo. Ndipo tsopano, usikuuno ndi usiku wathu wachiwiri, tikuyenda mnjira limodzi. Chotero tsopano, ife tikudalira kuti Ambuye akudalitsani inu nonse mochuluka kwambiri.

Ine ndikukhulupirira ine ndikuyang'ana pa mzanga wabwino wa ine, Akazi a Upshaw, akhala apa, Mlongo Upshaw. Ambuye akudalitseni inu. Ine ndikumukumbukira M'bale Willie Upshaw. Ine ndinali ndi kalata yochokera kwa iye tsiku lina ndi chithunzi cha M'bale Willie, Congressman. Chotero, iye—iye anali wolumala kwa zaka sikisite-sikisi.

Ndinali mu msonkhano usiku wina, ndinawona masomphenya a iye, atakhala, akupita kudutsa mwa omvetsera, ndi suti yake,akuweramira pansi. Iye anakhala ali mchikuku ndi ndodo, monga inu nonse mumamudziwira iye, ndipo Ambuye Yesu anamuchiritsa usiku womwewo. Ndipo iye anali nacho chikhulupiro kufikira pamene iye anafa.

If e tikumverera kulemekezedwa, usikuuno, chifukwa cha mkazi wake wamasiye kuti wakhala apa. Kodi iye anali ndi zaka zingati pamene anapita kukamuwona Ambuye? Kodi anali ndi zaka zingati? [Mlongo Upshaw akuyankha—Mkonzi]. Anakhala usinkhu wa zaka eyite-sikisi. [Mlongo Upshaw akuchitira umberoni za kufa kwake.] Anapita Kumwamba kukakhala ndi . . .

Ndife othokoza chifukwa cha amuna aakulu, ankhondo aakulu achikhulupiriro.

Tsopano, usikuuno, ndizo, ife sitikufuna kuti tikusungeni inu motalika. Ife tinakusungani inu modutsitsa nthawi ndi mphindi teni usiku wathawu, mphindi twente mpaka teni. Ife kawirikawiri timatuluka ikamakwana hafu-pasiti naini. Ine ndiyesetsa kuti tizikonze zimenezo usikuuno. Ine ndakhala... Ine ndasintha kuchokera ku mauthenga anga auneneri omwe ndakhala ndikulalikira mmadera osiyanasiyana a dziko, ndapita ku misonkhano ya uvangeli kachiwiri. Ndipo pa mauthenga auneneri awo, ife tikanamangopitiriza izo ndi kumapitirira. Ndipo tsopano kuti tichepetse izo, izo zimakhala ngati zovutirapo, ndipo zimasintha—utumiki mwathunthu.

Ndipo chifukwa chimene ine ndikuchitira izi: chifukwa tsiku lina, ndikubwera kuchokera ku Canada, pamwamba pomwe pa Montana, mmawa wina molawirira, Ambuye Yesu... Ine ndikudziwa zikumveka zachirendo, koma ine ndinali nditakwera mgalimoto, ndipo chinachake chinakopa chidwi changa. Ine ndinamva Liwu, momveka monga inu mukulimva langa, likuti, "Dzina lako linalembedwa pa phiri limenelo." Ndipo ine ndinayang'ana, ndipo pamene ife tinayima, Billy ndi ine, Ambuye Yesu anati, "Ubwerere mmbuyo tsopano, ndipo ukayambirenso uvangeli monga iwe unkachitira."

Ndi chifukwa chake ndiri pano usikuuno, chifukwa ndikubwerera mmbuyo mommuja kachiwiri kumapempherera odwala. Pali nkhanzi yaitali kwa izo, ndipo ine ndikutsimikiza inu ndi anthu a matepi pano, amene mumamvetsera matepi athu, mukuidziwa nkhanziyo. Ine ndiri pano kuti ndizipemphereranso odwala. Muli mphatso zambiri zazikulu mwa Mulungu. Mulungu akhoza kugwiritsa ntchito iliyonse ya izo imene Iye angaifune ngati ife tingamulole Iye kutero. Iye ndi Ambuye Mulungu.

Ndipo tsopano, ndikuyesetsa kuti ndisati... kusiya kusanjika manja pa anthu ngati ine ndingakhoze kudziletsa kwa izo, chifukwa, apo, zikuwoneka ngati (izo nzabwino bwino), koma zimawoneka kuti ngati winawake, akachiritsidwa, iwo amati, "Chabwino, Wakuti-ndi-wakuti anasanjika manja pa ine." Mwaona? Ine—ine ndimakonda kukuwonani inu mukungosanjika manja pa Iye, pa Khristu.

Cholina changa ndi chakuti, ife tonse timadziwa mwa Malemba, kuti machiritso Auzimu anagulidwa kale kwa wokhulupirira aliyense. Ndi gawo—ndi gawo la mazunzo a Yesu: "Iye anavulazidwa chifukwa cha zolakwa zathu, ndi mikwingwirima Yake ife tinachiritsidwa. Monga Mose anakweza njoka ya mkuwa mchipululu, chomwechonso Mwana wa munthu ayenera kukwezedwa mmmwamba." Chifukwa chomwecho.

Ndipo icho chinalli choyimira, Khristu ndiye choyimiridwacho. Ndiyeno ngati—ngati chitetezero chakale

chimakhoza kutulutsa machiritso, kuli bwanji chatsopano ichi, chomwe chiri ndi zinthu zabwinoko, chingatulutse machiritso Auzimu.

Tsopano, Yesu anakwezedwa mmwamba pa chifukwa chomwecho chimene njoka ya mkuwa inali (Iye anapangidwa tchimo): chifukwa, njoka inkapangidwa kuchokera ku mkuwa, ndipo *mkuwa* ndi “chizindikiro cha chiweruzo chaumulungu”; ndipo *serpenti*, kusonyeza “themberero la serpenti” kuchokera mmunda wa Edeni, kumene tchimo ndi matenda zinalowerapo.

Ndipo Yesu sangakhoze... Palibe amene sangalalikire Yesu Khristu ngati chitetezero popanda kualalikira machiritso Auzimu. Palibe amene angalalikire Uthenga popanda kualalikira machiritso Auzimu. Chifukwa, mwawona, inu simutero... iye anali... siziyenera kukhala ndi zinthu zina. Monga ngati chinyama chikakugwirani inu, inu simuyenera kungodula phazi lake, kapena kudula lake—dzanja lake lichoke kapena chirichonse chomwe chiri nacho pozungulira inu. Mungochipha icho kuchokera kumutu ndipo inu mwathana nacho icho.

Ndipo umo ndi momwe Yesu anachitira pamene Iye—pamene Iye anafa chifukwa cha tchimo: Iye anapha chirichonse chimene tchimo linayamba lachitapo, Iye anatiwombola ife kwathunthu. Tsopano tikutenga—malipiro athu kuchokera kwa aakulu... ndalamaliza zachikole za chiwombolo chathu chathunthu pa kudza Kwake kwachiwiri.

Chotero, inu mukuona, matenda mwachindunji ndi—amayambitsidwa ndi tchimo. Winawake anachimwa. Kunalibe matenda kufikira patadzakhala tchimo. Ndiyeno pamene tchimo linadzalowa mmenemo, matenda analitsatira ilo. Matenda ndi chikhumbo cha tchimo. Ndiyeno, pamene Iye anapha tchimo, ilo linatenga zikhumbo zonse ndi ilo. Mwaona, ilo linkayenera kutero.

Tsopano, ife tiwerenga usikuuno gawo la Lemba.

Ndine wokondwa ndithudi kukhala, kumbuyo kwanga kuno usikuuno, gulu langa labwino la abale amene anali pa msonkhano uja mmawa uja, ndi kudzapeza, ndikumuwona M'bale Shakarian kumbuyo uko, aponso, ndi azimzanga ambiri, ochuluka a iwo. Wokondwa kwambiri kukhala nanu abale pano usikuuno. Ndipempherereni ine tsopano, ngati inu mungathe.

Tsopano, tiyeni titembenuzire mu Lemba, kwa mutu waung'ono chabe, Ambuye akalola.

² Ndipo kumbukirani, mawa usiku, ndikupempherera odwala kachiwiri. Ndipo tsopano pamene ine ndikuyankhula... Mvetserani, aliyense ayesere kuchita izi, musadikirire kuti chinthu china chake chichitike. Chinthu choti inu muchite, ndi kukhulupirira Mulungu pakali pano. Mkhulupirireni Iye pakali pano! Mwaona?

³ Tsopano pakhala pali mitundu yonse ya mautumiki. Mulungu, mmasiku otsiriza ano, ine ndikukhulupirira, watipatsa ife chirichonse chimene Iye ali nacho mu Bukhu Lake. Chirichonse chimene Iye watilonjeza, ife taziwona, ndipo komabe zikuwoneka ngati kuti anthu akulephera kuzigwira izo. Iwo amene anakodzedwa kuti adzazigwire izo, adzazigwira izo; okhawo basi. Izo zimapangitsa ena khungu; zimatsegula maso a ena.

⁴ Kumbukirani, ife timakhulupirira kuti Yesu Khristu ali yemweyo dzulo, lero, ndi kwanthawizonse. Iye sali wakufa, koma ndi wamoyo kwa nthawizonse. Ndipo Iye ali pano usikuuno. Ife tiri mu Kukhalapo Kwake, usikuuno, ndipo Iye ali pano kuti adzatsimikizire ndi kudzapanga kukhala labwino lonjezo lirilonse limene Iye analipanga la tsiku lino. Ndipo Iye ali yemweyo dzulo, lero, ndi kwanthawizonse. Chotero, chirichonse chimene Iye anali, Iye ali, usikuuno. Chotero tiyeni ife timukhulupirire Iye tsopano, pamene ife tikuwerenga Mawu Ake ndi kuyankhula za Iye, kwa maminiti fifitini, twente otsatirawa.

⁵ Genesis, mutu wa 22, ndi ndime ya 7 ndi ya 8, kwa njira yopezera mutu.

Ndipo Isaki ananena ndi Abrahamu atate wake, ndipo anati, atate Anga: ndipo iye anati, Ndine pano, mwana wanga. Ndipo iye anati, Taonani moto ndi nkhuni: koma alikuti mwanawankhosa wa nsembe-yopsereza?

Ndipo Abrahamu anati, Mwana wanga, Mulungu adzadzipezera yekha mwanawankhosa wa nsembe yopsereza: chotero iwo anamuka awiri onse limodzi.

⁶ Ambuye Yesu, mudalitse Mawu Anu, mulole Iwo asabwerere opanda kanthu, koma mulole mbewu zigwere pa nthaka zomwe zidzabweretse chipulumutso kwa iwo amene ali osowa, zonse mwathupi ndi mwauzimu. Ife tikudziperekwa tokha kwa Inu; osonkhana, omvetsera, Mawu, mutu, nkhanu. Mulole Mzimu Woyeru utenge umunthu wathu, kuti ife timuwone Yesu Khristu. Ameni.

⁷ Ine ndikufuna kuti ndiyankhule kwa maminiti angapo otsatirawa tsopano pa: *Njira Yoperekedwa Ndi Mulungu Ya Tsiku Lino.*

⁸ Mulungu nthawizonse amakhala nayo njira. Pali njira ziwiri, ndizo, njira zathu kapena njira Zake. Mulungu ali nayo njira ya lero, pakuti Iye nthawizonse amapanga njira ya chirichonse. Mulungu, pachiyambi, ankadziwa mapeto, chotero Iye anayikiratu Lemba Lake la m'badwo uliwonse. Ndipo m'badwo umenewo, pamene iwo ubwera pamenepo... Tsopano musalephera kuwona izi. M'badwo umenewo, pamene iwo ufika pamenepo, kawirikawiri utumiki umakhala utasokonezeka

kwambiri mu timalingaliro, ndi zina zotero, ndi miyambo, mpaka iwo umakhala mamailosii milioni kutali ndi Mawu.

⁹ Zikatero Mulungu nthawizonse amamutumiza winawake powonekera, mneneri. Ndipo mneneri uyu...Mulungu samasinha konse kachitidwe Kake. Iye samasinha konse njira Zake. Iye nthawizonse amachita izo mwanjira yomwego. Iye nthawizonse amatero; Iye ayenera kuchita zimenezo nthawi ino. Ndipo, kupyolera mu izi, Mulungu amagwira ntchito ndipo amawatsimikizira Mawu amenewo. Monga ine ndinayankhulira kwa inu usiku watha, Mulungu kuchita kutanthauzira Kwake komwe. Mulungu samasowa aliyense kuti azitanthauzira Mawu kwa Iye. Iye amawatanthauzira Iwo Mwiniwake, powatsimikizira Iwo, kuwapangitsa Iwo kukhala enieni. Ndipo pamene Mulungu anena kuti Iye adzachita chinthu chinachake, ndiye Iye nkuchichita icho, sipamakhalanso funso kwa izo. Umo ndi momwe Iye amachitira izo.

¹⁰ Chotero Mulungu watikonzera ife njira. Mulungu amawakonda ana Ake. Iye amawakonda anthu Ake. Iye amafuna kuwathandiza iwo. Iye amafuna kuti azikuthandizani inu kuposa momwe inu mungafunire thandizo. Ngati inu mungakhoze kungozitengera izo mu mtima mwanu, kuti Mulungu ndi wofunitsitsa kwambiri kuti azikuthandizani inu kuposa momwe inu mungadzithandizire nokha. Koma Iye ali nayo njira, ndipo ndiyo njira yokhayo yomwe Iye ati adzagwirire ntchito ndi kudzera mu njira Yakeyo. Inu moyenera kubwera ku zomwe Iye akufuna, osati zofuna zanu. Zofuna Zake! Inu mumazifuna izo mwanjira inayake, koma Iye—Iye amakupatsani inu izo mwanjira Yake.

¹¹ Monga Namani kukasamba m—m—mmadzi a Yordani. Bwanji, iye anati madzi uko ku dziko lake ndi oyera kwambiri ndi abwinonso, koma izo sizinali zimene mneneri ananena. “Uzimize kuno.” Iye anazimiza kamodzi, khate linali likadali pamenepo; ka sikisi, linali lidakalipobe. Iye amayenera kumvera ndi kubwera ku njira ya Mulungu. Ndipo pamene Iye anamvera kwathunthu njira ya Mulungu, khatelo linachokapo.

¹² Ndipo ine ndikunena, usikuuno, kuti ngati ife timvera njira yoperekedwa ndi Mulungu, khate lidzachoka, matenda adzachoka, chirichonse chidzachoka, koma ife tikuyenera kubwera podzera mnjira Yake ya tsiku lino. Tsopano, kudzimiza mu Yordani sikungachite ubwino uliwonse lero; zimenezo zinali za Namani. Lamulo linali la kwa—kwa Ayuda. Chisomo ndi cha Khristu.

¹³ Koma m'badwo uliwonse umakhala ndi gawo lake la Uthenga wonenedweratu. Baibulo ili ndi vumbulutso lathunthu la Yesu Khristu. Palibe chimene chingakhoze kuwonjezeredwanso kwa Ilo, kapena chirichonse kuchotsedwa kwa Ilo; munthu wochita zimenezo ndi wotembereredwa. Ife

sitingakhoze kuwonjezera kalikonse kwa Ilo, kuchotsa kalikonse kwa Ilo. Ife tiyenera kuyang'ana Muno ndi kuwona zomwe zinalonjezedwa kwa m'badwo uno, ndiyeno nkuziwona izo zikuchitika. Kuteroko ndi Mulungu akutanthauzira Mawu Ake Omwe. Pamene Iwo anati, "Namwali adzaima," iye anatero. Kumeneko ndiko kutanthauzira kwa Mulungu kwa Izo. Zimene Iye walonjeza, zimenezo Iye amazichita.

¹⁴ Tsopano ife tikuwona kuti Mulungu samasinha kachitidwe Kake kochitira zinthu. Iye nthawizonse amachita izo mofanana. Ife timasinhasintha nthawi zonse chifukwa chakuti ndife amalire. Ife timapanga mitundu yonse yakulakwitsa, ndipo timakhoza kusintha kumachitako bwino ndi kumapitirira kumachita bwino. Koma Mulungu alibe malire. Chigamulo chake choyamba chimakhala changwiyo nthawi zonse. Iye sangakhoze kukhala wanzeruko. Iye anali... Iye ndiye gwero la nzeru zonse. Iye ndi nzeru zonse. Iye ndi mphamvu zonse, wamphamvuzonse, wopezeka poseponse, wodziwazonse, ndi wopandamalire. Chotero ndiye, pamene Iye anena chirichonse, muzikhazika solo yanu pa Ichø, chifukwa izo nzoona.

¹⁵ Tsopano mipingo ina imati, "Ndipo ife sitimakhulupirira *Izi*, ndipo ife timakhulupirira *izo*." Mulungu sadzaliweruza konse—dziko ndi mpingo. Iye adzaliweruza ilo ndi Yesu Khristu, ndipo Yesu ndi Mawu. Iye adzawuweruza mpingo ndi Mawu.

¹⁶ Ndipo ngati *Ili* liri vumbulutso la Yesu Khristu kwa mibadwo yonse, ndi kwa m'badwo uno, Iye wawulula mu Baibulo ili zimene Iye akanati adzachite mu m'badwo uno; ndipo pamene ife tikuwawona Iwo akuchita zimenezo, pamene ife tikumuwona Iye akuchita zomwe Iye analonjeza kuti adzachita. Osati kubadwa mwa namwali; izo zinali zaka thuu sauzande zapitazo. Koma zimene Iye analonjeza kuti adzachita lero, chimene Iye anati Iye akanadzachita lero, ndicho chimene Iye ali lero.

¹⁷ Nthawi zambiri, anthu amati, "Chabwino, ine sindimakhulupirira *Izo*." Chabwino, inu muli naye womutanthauzira Eva kachiwiri; amangotenga gawo la Iwo, koma osati onse a Iwo.

¹⁸ Chotero ife tikufuna kuti tizikumbukira kuti Mulungu amakhala yemweyo nthawizonse. Mawu Ake, ndipo zimene Iye amanena, Iye adzazichita izo.

¹⁹ Kusonyeza kuti Iye samasinha. Mu Genesis 1, Iye anati, "Mulole mbewu iliyonse ibale za mtundu wake. Mulole mbewu iliyonse ibale za mtundu wake." Ndipo pomwepo, ife tagunda chinachake pamene pamo chime chimawagwetsa onse okhulupirira chisinthiko. Inu simungathe kuzibereketsanso zinthu. Inu mutenge ngati kavaloo ndi—ndi...ndi—bulu, nkuzikweranitsa izo pamodzi, inu mudzapeza mphongolo, koma mphongolo singakhoze kudziberekkesanso ndi kufika ku mphongolo ina. Izo zimayimira pomwepo. "Mbewu

iliyonse za mtundu wake.” Iwo akhoza kupanga kuswana, koma izo zimadzisinha zokha kubwererano kachiwiri, kusonyeza kuti sizisinha monga chomwecho. Ayi, bwana. Izo zimayimira pomwepo. Inu mukhoza kusakaniza sипиначи ndi chinachake, pamodzi, ndi kutulutsapo kale, koma inu simungakhoze kuziberekесансо izo kachiwiri. Ayi, bwana. Inu mutha kuchiberekесансо chimanga cha haiburidi; koma inu mukabzala chimanga cha haiburidi icho mobwereza kachiwiri, inu simudzapeza kalikonse. Inu mumayenera kubwereza kuichulukitsa iyo nthawi iliyonse. Chifukwa, Mulungu anati, “Mulole mbewu iliyonse ibale za mtundu wake.”

²⁰ Ndipo tsopano, kupanga haiburidi zinthu, taonani zimene dziko lalowamo lero. Ine ndimawerenga nkhani apa, kuchokera mu *Reader's Digest*, kuti, “Zaka twente kuchokera pano, akazi samadzakhala ndi ana, ngati ziti zizipitirira. Iwo akudya zakudya za haiburidi.” Nkhani yake ndi yakuti, iwo azisakaniza izo, ndipo iyo si njira yomwe munthu anapangidwira, kuti azidya mtundu umenewo wa chakudya. Izo zinapangidwa kuti zizikumana mu...kapena kuti tizidya izo momwe zinalengedwera. Ndi chifukwa chake, lero, iwo sangakhoze kusunga nyama ndipo chirichonse chiri momwe izo ziliri, ndi chifukwa chakuti ndi haiburidi, zobzalidwa motentha, ndipo, oh, mtundu uliwonse mwanjira. Izo zonse zangosakanizidwa. Izo zafika pakuti mtundu wonse wa anthu ukuwonongedwa ndi zomwe iwo apindula, pakuyesera kutenga chinachake chimene Mulungu anachipanga kukhala chabwino, ndi kuchitembenuza icho ndi kuchipanga icho mwanjira ina, mwanjira yawo yomwe. Zisiyeni izo momwe Mulungu anazipangira izo!

²¹ Izo mpaka zafika pamalo pomwe iwo akuyesera kuti ayipange haiburidi mipingo, lero; kuchoka ku ubatizo weniweni wa Mzimu Woyer, kupita ku kugwirana chanza; mtundu wina wa kukonkha, kupita ku ubatizo wa madzi. Oh, mai! Chinthus chonsecho ndi haiburidi. Ife tikufuna kubwerera mmbuyo.

²² Mbewu ya haiburidi, iwe umayenera kuisasatitsa iyo ndi kuipopera iyo, ndi kuchotsapo tizirombo ndi njenjete pa iyo. Koma osati mbewu yeniyeni yathanzi; iyo imakhala yojintcha, yamphamvu, palibe nsikidzi zimabwera pa iyo. Iyo imakhala ndi zokwanira mwa iyo kuti iponyere mbozi kutali.

²³ Ndipo momwemonso Mkhristu weniweni! Inu simumasowa kuti muzichita kumusasatitsa iye ndi kumusisita iye, ndi kumuza iye *izi, izo*, kapena *zinazo*. Iye ali ndi chinachake mwa iye, ubatizo wa Mzimu Woyer, umene umatayira zina zonse za izo kutali. Simumasowa kuti muzichita kumupembedzera iye, chifukwa iye ndi mbewu yeniyeni ya Mulungu. Iye ali nacho chinachake mwa iye chimene chimamenya nkhondo. Mkhristu amamenyera inchi iliyonse ya malo omwe waimapo. Iye amayenera kuchita zimenezo, ngati angayembekezere kukhala

moyo. Ndipo, pochita izo, pamakhala Chinachake mwa iye chimene chimamusamalira iye.

²⁴ Eva anayesera kuwapanga haiburidi Mawu, pachiyambi. Mulungu anamuza iye, "Tsiku limene mudzadya umenewo, tsiku limenelo inu mudzafa." Iye anayesera kuti awasakanize Iwo ndi chidziwitso chimene Satana anamupatsa iye. Ndipo pamene iye anatero, iye anataya mtundu wonse wa anthu, pomwepo, kwa mdierekezi, pamene iye anayesera kuwasakaniza Mawu osaipitsidwa a Mulungu ndi chidziwitso.

²⁵ Izo sizimachokera ku chidziwitso cha Mawu, izo zimabwera ndi mphamvu ya Mzimu Woyer! "Si mphamvu, si nkhondo, koma mwa Mzimu Wanga," atero Ambuye. Umo ndi momwe Mulungu amachitira izo. Mawu a Mulungu ndiwo Mbewu ya Moyo Wamuyaya.

²⁶ Ngati inu muyesera kuti muwapange haiburidi Iwo, kodi inu muchita chiyani? Inu mudzadzipha nokha ndi Iwo. Izo sizidzagwira ntchito. Izo sizingasakanizikane mongaso mafuta kapena madzi sizingasakanizikane. Izo sizingachite zimenezo.

²⁷ Iwo sanapangepo nkomwe, mu njira zonse, sanayeserepo kuti apeze chirichonse chimene chingakhale chabwinoko kuposa njira ya Mulungu yochitira izo. Inu mukudziwa, iwo sanapezepo njira, yabwinoko, yoti nkhuku izibadwira mdziko lino, kuposa kudzigogomola yokha mu chikhungwa chake. Kodi inu mumadziwa zimenezo? Iwo sanapezepo njira yabwinoko. Kanthu kakang'ono kameneko kamabadwa kali ndi nsonga yaing'ono kumapeto kwake—kumapeto kwa mlomo wake. Ndipo mlomo waung'ono uwo umene iye ali nawo, umayamba kugwira ntchito ndi kuyamba kutokosa, kutokosa mmbuyo ndi mtsogolo, mpaka iye atapangitsa kuti mutu wake uyambepo, kuwutulutsa mutu wake, kutenga njira yoti akhale mfulu. Ndi njira yoperekedwa ndi Mulungu. Inu mukamusolola iye mu chikhungwacho, izo zimupha iye. Iye sangakhale moyo ngati inu mutamusololamo iye mu chikhungwacho. Iye ayenera kubwera mwanjira ya Mulungu.

²⁸ Ndi limene liri vuto ndi Akhristu lero. Ife tinawafewetsa iwo kwambiri ndi sopo, ndipo tinagwirana nawo chanza ndipo tinawabweretsamo mwachinsinsi, ndipo tinawajowinitsa iwo mu mpingo. Chimene iwo akusowa ndi guwa la pemphero la kachitidwe kachikale kumene iwo amapemphera nthawizonse, mpaka kumadzigwiritsa ntchito okha, kubwera mu njira yoperekedwa ndi Mulungu, mpaka iwo atadzimasula okha kwa dziko. Vuto lake, lero, iwo amalemba dzina lawo pa buku ndi kujowina mpingo, ndipo ndizo zomwe ziripo kwa izo. Koma njira ya Mulungu, njira yoperekedwa, ndi kukhala pamenepo ndi kugwirira ntchito njira yanu mpaka kudutsapo, mpaka Mulungu atakupatsani inu Kubadwa

kwatsopano. Ndizo ndendende kulondola. Mukamusololamo iye, izo zidzamupha iye.

²⁹ Ndiro limene liri vuto, lero, ndi anthu. Kubadwa kwatsopano, iwo onse amakuzemba iko. Iwo samakukonda iko. Oh, iwo a lowetsa mmalo chinachake mmalo mwa Kubadwa kwatsopano, “kubwera ndi kukhulupirira, ndipo ndizo zonse zimene inu muyenera kuchita.” Mdierkezi amakhulupirira, mwiniwake, ndipo inu mukudziwa kuti iye sanabadwe kachiwiri. Pali Kubadwa kwatsopano. Pali chinachake chimene chimapita ndi iko, chimakhala ngati nchosayenera, nchosakoma kwa dziko.

³⁰ Kubadwa kulikonse ndi nyansi. Ine sindikusamala komwe iko kuli. Kaya iko kuli mu khola la nkumba, kapena—kapena mchipatala. Kubadwa ndi nyansi.

³¹ Chomwechonso Kubadwa kwatsopano! Iko kudzakupangitsani inu kuchita zinthu zomwe simumaganiza kuti inu mungazichite. Iko kudzakupangitsani inu kugwada pansi pa guwa ndi kulira, kukuwa, kutsuka utoto kumaso kwanu, kukweza manja anu, kulemekeza Mulungu, kuyankhula mmalirime, ndi mitundu yonse ya zinthu. Kubadwa kwatsopano kudzachita zimenezo chifukwa ndi njira yoperekedwa ndi Mulungu yoti mubadwire kachiwiri.

³² Inu muyenera kufa. Inu muyenera kufa inu musanabadwenso. Mbewu iliyonse iyenera kufa iyo isanapangidwenso. Pokhapokha iyo itafa, imakhala yokha. Munthu amayenera kufa ku kuganiza kwake komwe. Iye akuyenera kuti afe ku kuganiza kwa chirichonse koma Mawu a Mulungu, ndi kubwera njira Yake. Ndiwo maziko a Mulungu. Ife sitimakumana naye Iye pa malingaliro athu; ife timakumana naye Iye pa zimene Iye anati adzazichita. Ndiyo njira yoperekedwa ndi Mulungu ya izo. Anthu amazemba izo; iwo samazifuna izo. Koma izo nzoona, chimodzimodzi basi. Izozidzatero, izo zimabala imfa, ndipo iwe uyenera kufa, kufa ku kuganiza kwako.

³³ “Chabwino, ine ndikudziwa kuti Baibulo limanena zimenezo, koma ine sindingathe kumvetsa izo.” Ndiye mukhale pameneopo mpaka Mulungu ataulula izo. Uko nkulondola. Izoziyenera... Ndiyo Kubadwa kwatsopano.

³⁴ Abakha ndi atsekwe, iwo sanapezebe njira yabwinoko yopitira Kummwera, kuposa kuti asonkhane moyamba. Ndipo uko nkulondola. Inu mudzawawona iwo onse akubwera pamodzi ndipo iwo amazibweretsa okha, mtundu wina wa kununkhiza umawakoka iwo pamodzi, ndipo iwo amasonkhana pamodzi ndi kusonkhana iwo asanawuluke, iwo asanapite Kummwera. Ndi chiyani chimenecho? Ndi nthawi ya chitsitsimutso, pamene iwo onse amasonkhana pamodzi. Kodi inu munayamba mwamvapo kuphokosera koteroko mmoyo mwanu, monga kuwamva atsekwe

amenewo akusonkhana pamodzi, kapena abakha amenewo? Ine sindinamvepo zoterozo! Ndipo izo ziri... Palibenso njira ina, yabwinoko kwa izo yochitira izo.

³⁵ Nthawi zambiri, ku nkhalango za kumpoto, ine ndimawona koyambirira koyamba kwa nyengo yozizira, mu Canada. Gulu la abakha obadwira komwe uko pa nyanja imeneyo, iwo sanayambe achokapo pa nyanja imeneyo, kanthu kakang'ono aka sikanateropo. Ndipo chinthu choyamba inu mukudziwa, mphepo yozizira imabwera pansi kuchokera Kumpoto. Kabakha kakang'ono, kakang'ono kakale aka, iko basi kanangobadwa kali mtsogoleri, kamafika kunja uko pakati pa dziwe limenelo, kamatulutsa mphuno yake yaing'ono mmwamba, kamalira kanai kapena kasanu, ndipo bakha aliyense pa dziwe amabwera kwa iye. Ndipo iko kamakwera kuchokera pamenepe, ndipo kamangopita molunjika basi wa ku Louisiana monga momwe iko kangakhoze kuitira, ku minda ya mpunga.

³⁶ Chifukwa chiyani? Iwo sanapezebe njira yabwinoko yoti akafikire kumeneko. Inu simungathe kuwakusa iwo pamodzi. Inu mungawaike iwo mu mphika ndi... chikwele, ndi kuwanyamulira iwo kumusi uko. Bakha ameneyo ali ndi kuganiza kwabwinoko kuposa izo. Ndipo inu mukamuika iye mu chikwele chimenecho, kuti mumutengere iye kumeneko, iye amadziwa kuti akupita kokazingidwa. Ndizo kulondola ndendende. Iye amapita mwa njira yoperekedwa ndi Mulungu.

³⁷ Ndi momwe munthu ayenera kuchitira lero, osati kuti azitsogozedwa ndi chikwele china cha chipembedzo. Koma azibwera momwe Mulungu ananenera kuti azilowera, mwa ubatizo wa Mzimu Woyerwa ndi Kubadwa mwatsopano, chitsitsimutso chosonkhana. Osati kujowina mpingo, kupemphetsa khomo ndi khomo, ndi kugawa magazini; koma Kubadwa, kubadwa kachiwiri, kudzazidwa ndi Mzimu Woyerwa, njira ya Mulungu, kudzimasula yekha kwa dziko. Kulondola! Kukhulupirira Mawu a Mulungu! Ora liri pano. Ndicho chimene ife tiyenera kukhulupirira.

³⁸ Munthu, inu simungathe... Ine sindikusamala kuti ndi amuna angati angayesere kupita ku dziwe la abakha limenelo ndi kukati, "Tsopano dikirani miniti, abakha aang'ono inu, ndiri ndi chinachake choti ndiyankhule nanu. Ife tiri ndi bakha wophunzira kuno. Iye ali ndi Ph.D. ndi LL.D. Ine ndikukuuzani inu, iye akhoza kukutsogolerani inu."

³⁹ Abakha amenewo ali ndi nzeru zabwinoko kuposa zimenezo. Inde, bwana. Iwo samasamala za maphunziro ake abwinoko, chirichonse chimene chiri. Iwo amatha kudziwa honk inayake imene iye akupereka. Ndi kununkhiza. Oh, mai! Mpingo uyenera kudziwa zochuluka chomwecho za Mawu a Mulungu!

⁴⁰ Ndi phokoso linalake losadziwika. Baibulo linati, Paulo anati, "Ngati lipenga lipereka phokoso losadziwika bwino,

ndani amene angadzikonzeretse yekha wa ku nkhondo?" Uko nkulondola, ngati mpingo—ngati mpingo upereka phokoso losadziwika bwino la "kujowina."

⁴¹ Mulungu anati, "Kubadwa!" Chimene Kubadwa kunakachita kumeneko, Kubadwa kumachita chimodzimodzi lero, chifukwa Yesu Khristu ali yemweyo dzulo, lero, ndi kwanthawizone. Chimene Iye anali kumeneko, Iye ali lero. Zimene iwo anachita nthawi imeneyo, ndi chinthu chomwecho chimene ife tikuchita lero. Momwe iwo analandirira Iwo kumeneko, ndi chinthu chomwecho chimene iwo akuchita lero. Chinthu chomwecho chimene iwo ali nacho lero, ndi chimene iwo anali nacho kumbuyo uko. Ngati Iwo ungabwera nkomwe, Iwo udzabwera mwanjira imeneyo. Ndiyo njira, njira yoperekedwa ndi Mulungu. Izo sizimasintha nkomwe.

⁴² Abakha samasinha nkomwe. Iwo amasonkhana kwathunthu, chaka chirichonse, amapita kumpoto, kummwera, ndi njira iliyonse imene apita. Iwo amayamba asonkhana.

⁴³ Umo ndi momwe Mulungu amachitira. Iye amatumiza Mawu Ake pa nyengo, nyengo imeneyo, ndiye Iwo amawonetseredwa. Ndipo ine sindikusamala ndi zinthu zina zingati zimene zikupitirira; pamene iwo akuwona Mawu a Mulungu olonjezedwa a tsiku limenelo, akutsimikiziridwa ndi kulonjezedwa, palibe chimene chiti chidzawaletse iwo. "Namwali adzaima." Ndipo pamene iwo anati . . .

⁴⁴ "Ambuye Mulungu wathu adzadzutsa Mneneri wonga ine," Mose anatero.

⁴⁵ Ndipo pamene iwo anamuwona Munthu uyu akubwera ndi kumachita zinthu zimene Iye ankachita, iwo anadziwa kuti ameneyo anali Mesiya. Pamene Filipo anawona izo zikuchitidwa, iye anati, "Inu ndinu Khristu. Inu ndinu Mfumu ya Israeli." Iye anadziwa zimenezo chifukwa Mawu anali atalonjeza izo, ndipo izo zinali zikukhala moyo mu tsiku limenelo. Ziribe kanthu kuti ndi Afarisi angati, Asaduki, anali atayima pameneopo, Madokotala Azauzimu, izo sizinamuimitse iye pang'ono, chifukwa iye anali akufunafuna chizindikiro chimenecho. Pamene iye anachiwona icho chikuchitidwa, icho chinali chizindikiro cha ora. Ndi chimene iwo anali kuchiyembekezera, njira ya Mulungu yoperekedwa. Inde, bwana.

⁴⁶ Tsopano inu simungakhoze kumupatsa bakha, maphunziro. Iye sangakhoze kuchita zimenezo. Iye sangawafune iwo. Abakha ena onsewo sangamutsatire iye, ziribe kanthu kuti ndi madigiri ochuluka bwanji omwe iye akanati ali nawo. "Tsopano, taonani apa, ine ndinapita ku sukulu ya abakha. Ine ndikudziwa zonse za izo. Ine ndamaliza maphunziro. Ine ndikuzidziwa zinthu zonsezi." Izo sizingachite ubwino uliwonsé. Palibe aliyense wa abakha amenewo amene angamutsatire iye, ngati iwo ali abakha enieni, ameni, chifukwa iwo akufunafuna chizindikiro

chinachake. Pamene iwo awona chizindikiro chimenecho, iwo achikhulupirira icho.

⁴⁷ Ndipo ngati bakha ali nayo njira yodziwira izo, nanga bwanji Mkhristu wobadwa kachiwiri? Ife tiyenera kumudziwa Yesu Khristu mu mphamvu ya chiwukitsiro Chake. Kulondola. Mulungu amachita izo mwanjira yoperekedwa ndi Mulungu.

⁴⁸ Kumbukirani, maphunziro sangakhale chipangizo chowatsogolera iwo ku malo operekedwa ndi Mulungu. Chipangizo chimene iwo ali nacho ndi kununkhiza. Ndipo iwo, abakha amenewo, amadziwa kuti kununkhiza kumeneko kudzawatengera iwo ku malo operekedwa ndi Mulungu.

⁴⁹ Chomwechonso Mzimu Woyeru umawutengera Mpingo ku malo operekedwa ndi Mulungu. Osati kujowina mpingo, koma kudzazidwa ndi Kukhalapo Kwake, kuwawona Mawu Ake akuwonetseredwa, akutsimikiziridwa. Ndiyo njira yoperekedwa ndi Mulungu kwa mpingo, nthawizonse, kwa anthu, kukawafikitsa iwo kumalo amene Mulungu wawakonzera iwo. Ndizo ndendende zomwe mpingo ukuyenera kuhala uli lero. Tsopano, ife tikudziwa kuti izo nzowona.

⁵⁰ Palibe njira yabwinoko yoti a...Iwo sanapezebe njira yabwino yopangitsira khanda kupeza zimene ilo likufuna kuposa kulirira izo. Inu mukampatsa iye belu, ndikuti, "Junior, iwe ndi wausinkhu wa masiku atatu okha, koma tsopano iwe ukafuna, ukafuna botolo lako, uzikwezera mmwamba belu ili ndipo uziliriza ilo," muwone ngati zingatheke. Izo sizimagwira ntchito. Mwana amalirira zimene iye akufuna. Ndiyo njira yoperekedwa ndi Mulungu. Ukamalira mokweza... Osamukwapula mwana wamng'onoyo, iye akungotsatira njira yoperekedwa ndi Mulungu. Iye akufuna chinachake. Uko nkulondola. Ndi njira yokhayo imene iye amadziwira kuyitana amayi ake; kufuulira icho, kulirira icho. Uko nkulondola.

⁵¹ Mulungu amavomereza izi kwa ana Ake. Mulungu amavomereza izi kwa ana Ake okhulupirira. Iye anatero. Osati kuyankhula kwaluntha, osati fiyoloje ina yaikulu, fiyoloje yoti uphunxitse. Iye amafuna kuti iwe uzilirira zosowa zako. Ndipo ndiko kulondola, kulirira izo! Ndiwe wowuma kwambiri komanso wokhuthala, iwe sudzazipeza izo. Ngati inu mwakonzeka kuti muzipinde nokha pang'ono, ndi kulirira, Mulungu adzapereka izo kwa inu. Iye amakonda kuwamva ana Ake akulira. Lirirani zosowa zanu kwa Mulungu! Mulungu amafuna zimenezo. Ndiyo njira Yake yoperekedwa. Lirirani izo! Ndi momwe mwana amalirira; umo ndi momwe Iye akufunira kuti inu muzilirira.

"Kulira matalika bwanji?"

⁵² Kodi mwana amalira matalika bwanji? Kufikira iye atakhutitsidwa. Ndipo umo ndi momwe Mkhristu wokhulupirira ayenera kuchitira, mwana wa Mulungu. Ngati inu muwona

kuti Mulungu anapanga lonjezo, musalisiye ilo, lirani mpaka ilo litayankhidwa. Lirani mpaka inu mutawona Mulungu akutsimikizira Mawu Ake. Pamene Mulungu atsimikizira Mawu Ake, ndi kutsimikizira kuti ali pano, ndiye inu simusowa kuti muzilira; inu mwachipeza icho, chokanipo ndipo mumuthokoze Iye chifukwa cha icho. Kufikira inu mutachita zimenezo, fuulani mokweza mpaka inu mutachipeza icho. Ine ndimakonda zimenezo, kukakamira, kugwiritsitsa.

⁵³ Osati mbewu ya haiburidi, osati ina yoti izichita kupembedzedwa ndi kusisitidwa, ndi kumanyamulidwira konsekONSE. Akhristu ndi enieni, enieni, obadwa, zida za Mulungu. Iwo amamenyera malo awo, ndipo amamenyera mpaka iwo atatsiriza pa dziko lapansi lino. Kusuntha kulikonse kwa izo ndi kumenyera.

⁵⁴ Mulungu anamuua Mose kuti Iye anampatsa dzikolo. Iye anamuua Yoswa, “Malo aliwonse amene phazi, kapena chidendene cha phazi lako, chidzapondepo, amenewo ine ndakupatsani inu.” Iwo ankayenera kumenyera inchesi iliyonse ya iwo. Chomwechonso ife timamenyera inchi iliyonse ya izo. Si chinachake choti chizipembedzedwa ndi kusisitidwa, ndi kuzungulira monga choncho, ndi kunena, “Chabwino, ine ndikutengerani inu kumeneko, tikawone zimene mukuganiza za izo. Mupereke maganizo anu.” Imeneyo si njira yobwererera.

⁵⁵ Bwerani ndi kutsimikiza mtima. Mubwere kuti mukukakhala pamenePO mpaka izo zitatha. Mukakhale pamenePO mpaka Mulungu atayankha ndi kutsimikizira. Munthu amene amakhulupirira mwa Mulungu, akhoza kuwona Kukhalapo kwa Mulungu, kumverera Kukhalapo kwa Mulungu, kukhudza Kukhalapo kwa Mulungu, ndi kudziwa kuti Iye ali pano. Iye ali pano kuti adzayankhe chirichonse chimene Iye anachilonjeza kwa tsiku lino. Ndiye, lirani mpaka inu mutapeza icho! Gwiritsitsani kwa Iye. Osachokapo, ngati zitengera kuti mukhale usana ndi usiku. Mulungu samafuna ana Ake kuti azimvetsera ku zoyankhula zanzeru. Iye amafuna kuti iwo azilirira kwa Izo, mpaka lonjezolo litatsimikiziridwa.

⁵⁶ Abrahamu apa anali ndi chosowa cha nsembe. Chinachitika ndi chiyan? Mulungu anampatsa iye mwanawankhosa. Iyo inali njira yoperekedwa ndi Mulungu. Iye ankasowa nsembe, chotero Mulungu anayipereka iyo. Mtsogolomwake, iye anadzawatcha malowo *Yehova-Yire*, “Ambuye adzadzipezera Yekha nsembe.”

⁵⁷ Tsopano, Yobu, nthawi ina, mneneri wakale, Yobu. Iye anali mneneri. Iye anali atalowa mu vuto. Satana anakhumba kuti amuyese iye, ndipo anamutupitsa iye zithupsya. Ndipo iye anatenga ana ake, iye anatenga katundu wake, iye anatenga zonse zomwe iye anali nazo, ndipo iye anamupweteka iye ndi zithupsya.

⁵⁸ Ndipo atonthozi ake anabwera, kodi iwo anachita chiyani? Iwo sanapereke kanthu koma chipongwe, anamunyodola iye, kumuza iye, “Bwanji, iwe wachimwa mwamseri.”

⁵⁹ Ndipo Yobu anangogwiritsitsabe. Iye analira. Iye anali wotsimikiza kuti iye anali kutsatira malamulo a Mulungu. Iye anali attachita ndendende basi zimene Mulungu analonjeza kuti adzachita. Chimene Mulungu anamulonjeza iye, kuti Iye akanadzaima pafupi ndi iye, pansi pa nsembe yopsyereza, ndipo iye anakhala pamenepe.

⁶⁰ Chotero, Mulungu anamupatsa iye masomphenya. Iye anali mneneri. Kodi iye anawona chiyani? Iye anawawona Mawu, Yesu Khristu. Iye anati, “Ine ndikudziwa Muomboli wanga ali moyo. Ndipo pa masiku otsiriza, Iye adzaima pa dziko lapansi. Ngakhale mphutsi za mthupi zitawononga thupi ili, komabe mu mnofu wanga ine ndidzamuwona Mulungu.” Mwaona, Iye anapereka masomphenya a chiwukitsiro kwa iye. Iye pokhala mneneri, iye anawawona Mawu. Iye anawawona Mawu ndipo iye anadziwa kuti mafupa ake ndi thupi lake zidzawukanso mu tsiku lotsiriza. Iye anafunsidwa ngati iye ankadziwa kumene Mulungu amakhala, ngati iye angakhoze kuwona.

⁶¹ Iye anati, “Duwa limafa, ilo limawukanso; mtengo umapita pansi, iwo umawukanso; koma munthu amagona pansi ndipo amapereka mzimu, zimathera pomwepo, iye ali kuti? O kuti Inu mukanandibisa ine mmanda, ndi kukandisunga ine mmalo obisika mpaka mkwiyo Wanu utadutsa.”

⁶² Ndiye mabingu anayamba kubangula, mphezi zinayamba kung'anima, Mzimu wa Ambuye unadza pa mneneri. Ndipo anaimirira, ndipo iye anawona Kudza kwa Ambuye, ndipo iye anafuula, “Ine ndikudziwa Muomboli wanga ali moyo, ndipo pa masiku otsiriza Iye adzayima pa dziko lapansi. Ngakhale mphutsi za pakhungu zitawononga thupi ili, mu mnofu wanga ine ndidzamuwona Mulungu.” Mulungu anapereka Mawu, Yesu Khristu, ndipo iye anamuwona Iye ndipo anamutcha Iye Muomboli wake.

⁶³ Israeli ankasowekera njira yotulukira mu Igupto, ndipo Mulungu anawapatsa iwo mneneri, mneneri yemwe anatsimikizira Mawu amene analonjezedwa kwa Abrahamu. Ndendende, njira yoperekedwa ndi Mulungu! Iwo sakanakhoza kumuphunzitsa msilikali, iwo sakanakhoza kuchita *izi*, iwo sakanakhoza kuchita *izo*. Chinthu chokhacho chimene iwo anachita chinali kudikirira njira yoperekedwa ndi Mulungu. Ndipo Iye ananena, anati, “Iye akanadzawatulutsa anthu amenewo, zitatha zaka foro handiredi. Anthu ake adzakhala mu ukapolo, koma Iye adzawatulutsa iwo ndi dzanja lamphamvu. Iye akanadzawonetsa zizindikiro Zake ndi zodabwitsa, ndi kupeza ulemelero mu fuko limenelo.”

⁶⁴ Apa anadzabwera munthuyo kumeneko, pamene iwo analira ndi kulira! Ndipo tsopano kumbukirani, kulira konse sikukanawawombola iwo, kufikira nthawi imeneyo itakwaniritsidwa.

⁶⁵ Zinthu izi zomwe ife tikuziwona lero, sizikanakhoza kuchitika zaka twente zapitazo, kapena zaka forte zapitazo. Ndi lero pamene zikuchitika. Ili ndi oralo! Iyi ndi nthawiyo! Tsopano ndi nthawi yomwe zakwaniritsidwa. Chifukwa chiyani? Mulungu analonjeza izo, ndipo ndi izi pano.

⁶⁶ Iwo anati, zaka handiredi zapitazo, kuti, "Ubatizo wa Mzimu Woyera sukanakhoza kukhalako aponso." Iwo anati, zaka fifite zapitazo, "Mzimu Woyera . . ." Koma inu anthu Achipentekoste munawatsimikizira iwo, kuti linali ora la Mulungu kuti atsanulire Mzimu Woyera. Ziribe kanthu zomwe Amethodisti, Abaptisti, Presbateria, Lutheran ananena, inu munakhala pomwepo ndi Mawu a Mulungu. Amuna olimba mtima anapita kunja uko ndipo anagwiritsitsabe kufikira ubatizo wa Mzimu Woyera utabwera, ndipo iwo anayankhula mmalirime ndipo anamkuza Mulungu. Palibe amene angakuuzeni inu mosiyana. Mulungu ndi wodzitanthauzira Iye Yekha; inu mukuzimvetsa izo. Inu mwina simungathe kuzifotokoza izo, koma inu mukudziwa kuti inu mwazimvetsa izo. Ndi ndami angamufotokoze Mulungu? Palibe amene angathe.

⁶⁷ Ine sindingathe kukuuzani inu momwe Mulungu angawonetsera masomphenya, koma ine ndikudziwa kuti izo zimachitika. Ine sindingathe kuwona momwe Mulungu amachitira zinthu izi. Iyo si ntchito yanga kuzifotokoza izo. Iye, amakhala yekha. Iye ndi Elohim, wokwanira mwayekha Uyo. Ine ndine wantchito Wake basi. Ine ndikudziwa Iye analonjeza izo, ndipo ine ndikudziwa kuti izo ziri pano. Ndicho chinthu chimodzi chimene ine ndikuchidziwa. Ine ndikudziwa zimenezo, kuti Iye ali yemweyo dzulo, lero, ndi kwanthawizonse. Ine ndikudziwa Iye analonjeza izi, ndipo Mulungu ali pano kuti apange lonjezo Lake kukhala loona. Eya. Njira yoperekedwa ndi Mulungu!

⁶⁸ Israeli anapatsidwa mneneri, yemwe ankatsimikizira Mawu, ndipo iwo anatulutsidwako. Mneneri uyu, Mose, iye anakhala zaka zambiri mchipululu, zaka forte, akulimbana nawo anthu awa, kuyesera kuwasunga iwo mpaka iye atawatengera iwo ku dziko lolonjezedwa. Anadzafika pa malo, munthuyo amayenera kuti afe; iye anali wa zaka handiredi ndi twente zakubadwa. Panalibe malo oti iye aferepo. Pamene iye anakonzeka kuti afe, Mulungu anamupatsa iye Thanthwe; Thanthwe limene iye anali atalikantha mchipululu, Thanthwe limene linawatsata iwo, limene iwo anamwako. Mulungu anamupatsa iye Thanthwe, malo oferapo, pamene Mose akanakhoza kuferapo imfa yabwino.

⁶⁹ Pa Thanthwe ili, Mulungu, ndiloren iine ndifere pa Thanthwe lomwelo! Ndi pamene iine ndimafunapo. Thanthwe limenelo linali Khristu Yesu. Inde, bwana.

⁷⁰ Iye atafa, pa Thanthwe limenelo, iye anasowe kera omunyamula. Mulungu anamutumizira iye gulu la Angelo. Bwanji osakhala gulu la akuluakulu ake? Chifukwa panalibe aliyense amene akanakhoza kumutengera iye kumene iye amapita, koma Angelo. Iwo anamunyamulira iye kupita mu Kukhalapo kwa Mulungu, iye ankasowe kera omunyamula ndipo Mulungu anapereka izo. Iye anapita njira yoperekedwa ndi Mulungu. Aleluya!

⁷¹ Enoke anali atayenda ndi Mulungu zaka faivi handiredi, ndipo iye anamukondweretsa Iye. Iye ankasowa msewu wawukulu kuti apitire Kwawo. Mulungu anapereka iwo.

⁷² Eliya anali atamutemberera Yezebeli chifukwa cha nkhopre yake yopentedwa, ndi momwe anawapangira anthu kuti azichitira. Ndipo iye anatopa ndi wolema, ndipo anali pafupifupi atakonzeka kuti azipita Kwawo. Iye anali atakalamba kwambiri moti sakanatha kuyenda kuti awoloke Yordani; Mulungu anapereka njira kwa iye yoti awoloke Yordani. Iye ankafuna kuti apite Kumwamba, kukakumana ndi Mulungu; Mulungu anatumiza galeta lamoto kumeneko, ndi akavaloo, ndipo anamutengera iye mmwamba. Njira yoperekedwa ndi Mulungu. Njira yoperekedwa ndi Mulungu. Iye nthawizonse amachita izo ndendende basi. Kulondola. Inde, bwana. Mulungu amapereka njira, nthawizonse. Inde.

⁷³ Amuna anzeru, pamene iwo anali panjira yawo akuchokera ku Babulo, iwo ankayendera njira imene iwo ankafuna kutsikirako uko, chifukwa iwo ankadziwa kuti Mfumu iyi inali yoti idzabadwa. Iwo ankafunika kampasi; Mulungu anapereka Nyenyezi. Iwo anasiya china chirichonse mmbuyo. Iwo sanasowe kere makampasi; iwo anaitsatira Nyenyeziyo. Iyo inali njira yoperekedwa ndi Mulungu. Mulungu anapereka njira, iwo anaitsatira Nyenyeziyo kufikira iwo atapeza Kuwala kwangwiyo. Oh!

⁷⁴ Dziko linkasowa Mpulumutsi, tsiku lina. Iwo anatayika; iwo sankazidziwa zimenezo. Iwo ankaganiza kuti anali opulumutsidwa, koma iwo ankasowa Mpulumutsi. Mulungu anapereka Mwana, ngati Mpulumutsi. Chifukwa chiyan? Palibe wina aliyense akanakhoza kuchita zimenezo. Panalibe munthu pa dziko lapansi, panalibe munthu Kumwamba, kulikonseko, anali wokhoza kuchita izo. Mulungu anamuphimba namwali, iye anatenga pakati ndipo anabala Mwana Wamwamuna. Ndipo Mwana Wamwamuna ameneyo sanali Myuda kapena Wamitundu. Iye anali Mulungu, atawonetseredwa mu thupi, Mmodzi yekhayo amene akanakhoza kuwombola. Magazi Ake amatipulumutsa ife. Magazi Ake amatichirtsia ife. Ndi Magazi

amenewo amene ife tingakhoze kuimapo, kwa lonjezo lirilonse limene Iye anapanga. Mulungu analonjeza kuti adzachita izo.

⁷⁵ Mulungu amangokumana ndi wopembedza kupyolera mu Magazi, ndi pansi pa Magazi. Israeli anali ndi malo amodzi okumanirana ndi Mulungu. Osati mu a... Mulungu ali nawo Malo amodzi, lero, amene Iye—Iye amakumana ndi wopembedza; osati ku Methodisti, Baptisti, kapena Chipentekoste. Iye amakumana nawo iwo pansi pa Magazi. Ndiwo malo okhawo omwe Mulungu ali nawo; osati mu bungwe, osati mu mgwirizano. Koma mu Magazi ndi momwe Yesu Khristu amakumana ndi wopembedza Wake. “Pamene ine ndidzawona Magazi!” Ndiyo njira yoperekedwa ndi Mulungu.

⁷⁶ Mpingo utatha kukhutitsidwa kwathunthu, pamene iwo anamuwona Iye, kuti Iye anali Mesiya!

⁷⁷ Pamene mkazi wamng'ono pachitsime, pamene iye ankasowekera Mpulumutsi, iye ankasowekera chinachake choti azichiwonetsa. Iye anali atapita ku tchalitchi ndi china chirichonse, ndipo iwo anali atawona kachikhulupiro aka ndi kachikhulupiro ako, mpaka, iye anasanduka kukhala hule. Izo zinampititsa iye pa msewu. Tsiku lina, iye amapita kukatunga chidebe chamadzi, pafupifupi leveni koloko masana, ndipo pameneleo panakhala Mzibambo; Myuda kumtunda kuno, pamalo owoneka chonchi aang'ono awa. Ndipo iye anati...

⁷⁸ Pamene iye anapita kukagwetsera chidebe chake pansi pa mphepo, kukatunga madzi, iye anamva Mzibambo akuti, “Mkazi, ndibweretsereni Ine akumwa.” Ndipo iye anati...

⁷⁹ Iye anatembenuka mwamsanga, ndipo akumuganizira Iye kuti anali Myuda wamba, pakuti Iye anali munthu chabe monga mmene thupi linaliri. Iye anali Munthu; amadya, amamwa, amagona, monga ife timachitira. Iye anali munthu mochuluka kwambiri mpaka Iye akanakhoza kufa, ndipo komabe Iye anali Mulungu. Ndiye ife tikupeza, kuti pamene...

⁸⁰ Anati “Si mwambo wake kwa inu Ayuda kuti muwapemphe Asamariya zinthu zonga zimenezo.”

⁸¹ Iye anati, “Koma ngati iwe ukanaadziwa Yemwe iwe ukuyankhula naye, iwe ukandanipempha Ine akumwa.” Anati, “Pita ukamutenge mwamuna wako ndipo ubwere naye kuno.”

Iye anati, “Ine ndiribe mwamuna.”

⁸² Anati, “Iwe wanena zonna. Uli nawo asanu, ndipo amene iwe ukukhala naye pano si wako.” Chinachitika ndi chiyani? Mulungu anali atapereka chinachake kwa iye.

⁸³ Iye anati, “Bwana, ine ndazindikira kuti Inu ndinu mneneri. Ife tikudziwa kuti pamene Mesiya adzabwera, Iye adzatiuza ife zinthu izi. Ndi chimene Iye adzachite. Mawu amanena chomwecho. Ife tikuyembekezera zimenezo. Ndine wodwala ndi wotopa nazo zinthu zonsezi, tizikhulupiro tawo ndi

zinthu, Afarisi, Asaduki, ndi Aherodia, chirichonse chimene chingakhale. Koma ife tikudziwa Mesiya akubwera, pamene Iye adzabwera. Inu mukuti chiyani za izo?”

⁸⁴ Iye anati, “Ine ndine Iye.” Amen! Mulungu anali atapereka njira. Iye anasiya mtsukowo, mkazi wosinthika, ndipo anathamangira mu mzinda, ndipo anati, “Bwerani, mudzawone Munthu Yemwe wandiuza ine zinthu zomwe ine ndazichita. Kodi uyu si Mesiya?”

⁸⁵ Petro, pakumvetsera nkhani ya Andreya, ndipo nthawi zambiri anali ataimvetsera, anamumva Andreya akuyankhula za Yohane akumuwonetsera Mesiya, ndi Munthu, ndi zinthu zonse izi zikuchitika. Zonsezo zinali chinsinsi kwa Petro. Koma tsiku lina iye anabwera ndi Andreya, kuti adzamuwone Yesu. Ndipo pamene iye anafika mu Kukhalapo kwa Yesu, Yesu anayang’ana pa iye, ndipo Iye anati, “Dzina lako ndiwe Simoni, ndipo ndiwe mwana wa Yonasi.” Mulungu anali atapereka njira kwa Petro kuti awone Yemwe Iye anali. Iye anali Mesiya ameneyo.

⁸⁶ Tsopano ife tikupeza, kuti Yesu atamwalira, ndi kukwera kupita Kumwamba, Mpingo unkasowa Mphamvu, kuti ukachitire umboni. Mulungu anawapatsa iwo Pentekosite. Iye anapereka Pentekosite.

⁸⁷ Zaka thuu sauzande zadutsa, abwenzi. Zaka thuu sauzande zadutsa. Mmasiku otsiriza ano, ife tiri nazo chomwecho, munthu walowa mu kachitidwe ka Chikhristu ndipo wachipotoza Icho kachiwiri, wachipanga haiburidi Icho ndi tizikhulupiriro, mipingo, zipembedzo, zojankhula zaluntha, mpaka Mphamvu ndi chinthu chemicheni cha Uthenga wa Khristu zatayikiratu mowoneka. Ndipo pano ife tiri ndi Mawu olonjezedwera masiku otsiriza ano, chimene chiti chidzachitike, chimene chiti chichitike; munthu sakuwakhulupirira Iwo. Iwo achokako kwa Iwo. Inu mukawafunsa iwo ngati ali Mkhristu; amati, “Ndine wa *wakuti-ndi-wakuti*.” Zimenezo sizikutanthauza chinthu chimodzi. Inu muyenera kukhala Mkhristu mwa kubadwa. Tsopano ife tatengera chinthu chonsecho ku Babeloni kachiwiri, zitatha zaka thuu sauzande.

⁸⁸ Mpingo lero ukusowa Mphamvu ndi Choonadi, kachiwiri. Oh! Mulungu anamudzutsa Mwana Wake, kuti izi zidzasamaliridwe, pakuti Iye anati, “Kanthawi pang’ono ndipo dziko silidzandiwonanso Ine; komabe inu mudzandiwona Ine, pakuti Ine ndidzakhala ndi inu, ngakhale mwa inu.” Ife tikupeza, mu Ahebri 13:8, “Iye ali yemweyo dzulo, lero, ndi kwanthawizonse.”

⁸⁹ Ife tikupeza, mu Malaki 4, kuti Iye anatilonjeza ife Uthenga mmasiku otsiriza, umene uti “udzabwezeretse Chikhulupiriro cha anthu kubwerera kwa makolo kachiwiri.” Iye analonjeza izo, mmasiku otsiriza.

⁹⁰ Iye analonjezanso, mu Yohane 14:12, “Iye amene akhulupirira pa Ine, ntchito zimene Ine ndikuzichita iyenso adzazichita. Ngakhale zoposa izi, kapena zazikulu kuposa izi, iye adzazichita, pakuti Ine ndikupita kwa Atate Anga.”

⁹¹ Iye ankayankhula tsiku lina. Iwo anati, “Mbuye, tiwonetseni ife chizindikiro.”

⁹² Iye anati, “Mbadwo wofooka ndi wachigololo umafunafuna chizindikiro;” Ndiwo m’badwo umene ife tikukhalamo lero. Iye anati, “Ndipo Ine ndidzawapatsa iwo chizindikiro. Pakuti monga Yona anali mmimba mwa chinsomba, masiku atatu ndi usiku, chomwechonso ayenera Mwana wa munthu kukhala mu mtima wa dziko lapansi, masiku atatu ndi usiku.”

⁹³ Ndi chizindikiro cha mtundu wanji chimene m’badwo woyipa ndi wachigololo unachipeza? Chizindikiro cha chiwukitsiro. Ndipo ndi zimene ife talonjezedwa lero, chizindikiro cha chiwukitsiro chakuti Iye akadali wamoyo, Iye ali yemweyo dzulo, lero, ndi kwanthawizonse.

⁹⁴ Iye anati, “Monga mmene zinaliri mmasiku a Loti,” monga ife tinadutsira izo usiku watha. “Masiku a Loti, zomwe zinachitika mmasiku a Loti, chomwechonso izo zikanadzakhala pa kudza kwa Mwana wa munthu.” Zinthu izi ife tinalonjezedwa, Malemba ena ambiri. Kupewa kuti tisatenge nthawi... “Kanthawi pang’ono ndipo dziko silindiwonanso Ine. Kosmos, ‘dongosolo, m’badwo wa mpingo,’ iwo sadzandiwonanso Ine. Komabe inu mudzandiwona Ine, pakuti Ine ndidzakhala ndi inu, ngakhale mwa inu, mpaka kumapeto a m’badwo.” “Yesu Khristu yemweyo dzulo, lero, ndi kwanthawizonse.” Ndi chiyani chimenecho? Ndi chizindikiro choperekedwa ndi Mulungu, njira yoperekedwa ndi Mulungu.

⁹⁵ Abrahamu akudikira mwana. Chizindikiro chotsiriza icho chimene iye anachiwona chisanachitike chiwonongeko cha Amitundu, chinali Mulungu kuwonetseredwa mu thupi la munthu, yemwe ankadziwa zinsinsi za mtima wa Sarah pamene iye anali mu hema. Yesu anati, “Izo zidzabwereranso pa kudza kwa Mwana wa munthu.” M’bale, mlongo, ine ndikukhulupirira ife tikukhala mu tsiku limenelo. Ine ndikukhulupirira kuti ili ndi tsiku la lonjezo.

⁹⁶ Inu muyenera kukhala ndi chikhulupiro mu zimene inu mukuchita. Ngati inu mulibe chikhulupiro, ngati inu mukungozitenga izo mopenekera... Mawu akuti *kupenekera*, malingana ndi Webster, amatanthauza, “kupita wopanda ulamuliro.” Koma pamene Mawu alonjeza izo, ndipo Mulungu nkuyima kuseri kwa Mawu amenewo, inu simukupenekera aponso. Inu mukuchita ndendende zimene Mulungu anati muchite, ndipo Iye amakhala wokakamizika kuwayikira Iwo kumbuyo.

⁹⁷ Wamkulu, wotchuka, a—wachitsitsimutso, zaka zambiri zapitazo, ine ndinamuwona iye pamene ine ndinali mnyamata wamng'ono, anali Paul Rader. Iye anandiua nkhanzi, tsiku lina, yomwe nthawizonse yakhala ili ndi ine. Iye anati, "Tsiku lina, ife tinali kudula nkhanzi." Iye anali wodula zipika, uko mu Oregon, ndipo anali abwana anamuza iye kuti akwere pamwamba pa phiri. Iye anali akulota. Kumene iye anali ali kwenikweni, pa nthawiyo, iye anali uko kumusi mu zisumbu; ndipo anadwala malungo, kumatentha kwenikweni, ndipo iye anali kufa. Iwo anapita kwa dokotala, koma kunali mamailosy ndi mamailosy kutali, pa bwato.

⁹⁸ Adokotala asanafike kumeneko, Paulo anayamba kuzimirira, akudwalika ndi kudwalika. Iye anamuitanitsa mkazi wake wokhulupirika. Iye anati, "Wokondedwa, mukuyamba mdima mchipinda, mwa mdima, mukutsekeka." Ndipo iye anabwerera mu kukomoka.

⁹⁹ Ndipo pamene iye anatero, iye anali iye analota, pamene iye anali chikomokere, kuti abwana ake anamutumiza iye uko kuti akadule mtengo winawake. Iye anawupeza mtengowo, iye anawugwetsa mtengowo, anazika nkhwangwa yake pa iwo, ndipo anafikira pansi kuti awunyamule iwo. Iye amalephera basi kuti awunyamule iwo. Anati mphamvu zake zinatha. Iye amalephera basi kuti awunyamule iwo. Iye anati, "Kukula konse kumene mtengowo uli, ndithudi ine ndikhoza kuwunyamula iwo. Ndiroleni ine ndiyeserenso." Ndipo iye anatsika ndipo anawunyamula, iye anavutikira mpaka iye anatopa. Iye anakhala pansi pambali pa mtengowo, ndipo anali, "ine basi sindikudziwa choti ndichite. Abwana akuwufuna mtengo uwu ku msasa uko, ndipo ine ndafowoka kwambiri kuti ndiwutengere iwo uko."

¹⁰⁰ Anati iye anamva Liwu lokoma kwambiri lomwe iye anayamba walimvapo, anali abwana ake amene anayankhula; koma anali, pamene iye anatembenuka kuti awone yemwe anali abwana akewo, anali Ambuye Yesu. Iye anali, "Paul, ukulimbana ndi chiyani? Kodi iwe wakhumudwa yense ndi chiyani? Iwe ukuwawona madzi amenewo akuyenda apowo?" Anati, "Bwanji osangochiponyera chipikacho mu mtsinje, ndi kuchikwera icho popita uko? Uchikwere icho popita ku msasako."

¹⁰¹ Iye analumphira pa chipikacho ndipo anayamba kumatsikira pa mafundewo, akufuula mokweza mawu ake. "Ine ndakwera pa icho! Ine ndakwera pa icho!"

¹⁰² M'bale, mlongo, Yesu Khristu analonjeza zinthu izi kuti zidzachitika mmasiku otsiriza. Ine ndikukhulupirira kuti ife tikuhala kuno. Ine ndikukhulupirira kuti Iye ali yemweyo dzulo, lero, ndi kwanthawizonse. Ine sindikudziwa momwe izo zinachitikira, koma ine ndikukwera pa Iwo. Ine

ndikukhulupirira kuti Iwo ndi Choonadi, chifukwa Iwo ndi Uthenga, njira yoperekedwa ndi Mulungu. Ine ndikukhulupirira Iwo ndi Uthenga wa orali, nthawi yomwe ife tikukhalamo. Iyo ndi njira yoperekedwa ndi Mulungu. Ndikukwera pa Iwo!

Kodi inu simulumphirapo limodzi ndi ine, pamene ife tikuweramitsa mitu yathu?

¹⁰³ Atate Akumwamba, ife tikukwera kupita mu Ulemelero pa Mawu Anu. Ife tikukhulupirira kuti Mawu Anu ndi Choonadi. O Mulungu, mulole mwamuna ndi mkazi aliyense, usikuuno, akwere pa Mawu, ndipo azikumbukira, pamene iwo azipita kupyola mu ulendowu, iwo akhoza kuvomoreza, “Ine ndikukwera pa lonjezo la Mulungu. Ilo lidzanditengera ine kupita mu Ulemelero. Ndi njira yoperekedwa ndi Mulungu kwa ine lero. ‘Yesu Khristu yemweyo dzulo, lero, ndi kwanthawizonse.’”

¹⁰⁴ Inu munati, “Kanthawi pang’ono ndipo dziko silindiwonanso Ine, komabe inu mudzandiwona Ine; pakuti Ine ndidzakhala ndi inu, ngakhale mwa inu.” Inu munatilonjeza ife, Ambuye, ife tidzakuwonani Inu.

¹⁰⁵ Agriki anabwera, nthawi ina, ndipo anati, “Mabwana, ife tikufuna kumuwona Yesu.” Ndipo iwo anapatsidwa mwayi umenewo. Ndipo usikuuno, Ambuye, ife tikufuna tikuwoneni Inu, nafenso. Ndi chokhumba cha mitima yathu. Palibe amene angamve za Inu, pokhapokha iwo atafuna kukuwonani Inu. Ndiye ngati Agriki awa analoledwa kuti akuwoneni Inu, ndipo Inu munapereka njira kuti ife tikuwoneni Inu, Inu nthawizonse mumapanga njira chifukwa Ndinu yemweyo dzulo, lero, ndi kwanthawizonse. Wantchito anawabweretsa Agriki awa mu Kukhalapo Kwanu, ndipo iwo ayenera kukuwonani Inu. Tipatseni ife mwayi womwewo usikuuno, Atate. Mulole ife, monga antchito, tiwabweretse omvera awa mu Kukhalapo Kwanu. Ndipo mulole ife timuwone Yesu, usikuuno, Yemwe ali yemweyo dzulo, lero, ndi kwanthawizonse. Perekani izi, Ambuye.

¹⁰⁶ Mupulumutse otayika, Ambuye, ngati pali mwamuna, mkazi, mnyamata, kapena mtsikana. Pamene ife tikuwona fuko lathu litaipitsidwa kwambiri ndi akupha ndi odula-makosi, ndi opotoza, ndi kuwona chivundi mu fuko lero! Ndi kuwona chivundi mmipingo, ndi kuwawona iwo akutsogolera kupita kukuphedwa kwa ecumenical kuja uko, chifukwa iwo sakupita mnjira yoperekedwa ndi Mulungu! Iwo akupita mwanjira ya kachikhulupiro kena mmalo mobwera mwa Mawu.

¹⁰⁷ Mulungu, ife tikupemphera kuti Akhristu enieni, owona, obadwa, monga ine ndinawonetsera izo, pokhala abakha enieni, iwo... “Nkhosa Zanga zimamva Liwu Langa, mlendo izo sizidzamutsatira.” Ambuye, Liwu Lanu ndi Mawu. Iyo nthawizonse yakhala ili njira Yanu yoperekedwa kwa Mpingo

ndi kwa anthu, ndi Mawu Anu. "Mawu Anu ndi Choonadi." Ndipo Inu ndinu Mawu. Ndipo Baibulo limatiuza ife, "Mawu a Mulungu ndi akuthwa kuposa lupanga lakuthwa konsekonse, ozindikira za mmalingaliro ndi zolinga za mu mtima."

¹⁰⁸ Chifukwa chiyani Israeli sanathe kumuwona Mesiya wawo, pamene iwo anawona kuti Iye anali Mawu amenewo, pamene Iye ankakhoza kuzindikira maganizo amene anali mu mtima mwawo? Chifukwa chiyani sanatero? Iwo anazimva izo kudzera mwa aneneri, zomwe aneneriakanadzachita; koma pamene chidzalo cha Mulungu chinapangidwa mwa Mwana Wake, ndipo Iye nakhala pakati pathu, ndiye iwo analephura kuchiwona icho chifukwa iwo anachititsidwa khungu.

¹⁰⁹ Ambuye, iwo amene atsegula maso awo, usikuuno, mulole ife timuwone Yesu pakati pathu. Mulole munthu wodwala aliyense achiritsidwe. Mulole ichi chikhazikitse izo, Ambuye, kuti iwo sadzatero, kenanso, kuyambira ora lino mpakana...koma amene adzakhulupirira kuti Inu ndinu Mesiya. Iwo akubwera njira ya Mulungu. Ambiri a iwo ali pano, usikuuno, akufa. Alipo ambiri pano, usikuuno, amene mwinamwake sadzakhala pano sabata kuchokera lero, ngati Inu, thandizo Lanu silibwera.

¹¹⁰ Tsopano, Atate, Inu mumangokhala ndi choyankhira pa zimene Inu munalonjeza. Koma Inu munalonjeza kuti ife tidzakuwonani Inu. Inu munalonjeza kuti zimene Inu munkachita ife tidzazichitanso. Ora lake ndi lino. Ine ndavomereza izo; ine ndikukhulupirira izo. Ine ndinakumvani Inu mukunena chomwecho; Mawu Anu amanena chomwecho. Inu mutsimikizira izo. Ine ndikudziwa kuti ndi zonna. Tsopano mulole izo zidziwike, Ambuye. Kwalembedwa, tsopano mulole izo zichitike, chifukwa cha Ufumu wa Mulungu. Ameni.

¹¹¹ Ine sindikukhulupirira kuti ife tiitana mzere wa pemphero. Ine ndikukhulupirira kuti ndingowugwiritsa ntchito kuchokera pomwe pano.

¹¹² Ndi angati a inu akudwala? Tsopano inu mukhala... Mwakeza dzanja lanu, kuchitira umboni kuti mukudwala.

¹¹³ Ndi angati a inu amene muchitire umboni chinthu chomwecho, "M'bale Branham, ine ndithudi sindinapulumutsidwe"? Kodi mungakweze dzanja lanu, "Ndipempherereni ine"? Mulungu akudalitseni inu, inu. Ndi zabwino. Ndizo...Mulungu akudalitseni inu. "Ine sindinapulumutsidwe."

¹¹⁴ Tsopano, inu amene munakweza manja anu, ndi inu amene simunatero, "Koma, M'bale Branham, moonadi ine ndikufuna kuti ndipulumutsidwe. Ndi mtima wanga. Ine ndikukhulupirira kuti palibe chomwe chatsalira kwa aliyense padzikola lapansi." Ndi chiyani chinanso, chomwe inu mungakwaniritse, chomwe chingakhale chachikulu kuposa chipulumutso chanu? "Ndipempherereni ine. Ine ndikufuna

kupulumutsidwa.” Kodi inu mungakweze dzanja lanu, paliponse mchipinda muno, kulikonseko, “ine ndikufuna . . .”?

¹¹⁵ Ndi angati a inu omwe simunalandire Mzimu Woyeria, mukuti, “Ine ndikudziwa ine ndiyenera kuwulandira Iwo”? Kwezani manja anu. “Ine ndiribe; ine ndikufuna kutero.” Chabwino, alipo angapo omwe alibe.

¹¹⁶ Tsopano, Khristu amasunga Mawu Ake, ndipo inu muyenera kusunga chikhulupiro chanu mwa Iye. Iye ndi Mawu. Tsopano, Ahebri mutu wa 4, ananena kuti, “Mawu a Mulungu,” amene ali Khristu. Khristu ndi Mawu. Inu nonse mukudziwa zimenezo? Nenani, “Ameni.” [Osonkhana akuti, “Ameni.” —Mkonzi]. Iye ndi Mawu, “yemweyo dzulo, lero, ndi kwanthawizonse.” Chimene Iye anali mwa Mose, Iye analinso mwa Eliya; chimene Iye anali mwa Eliya, Iye anali mwa Yohane; chimene Iye anali mwa Yohane, Iye anadzikwaniritsa Yekha mwa—mwa Yesu. Ndipo lero Iye ali yemweyo monga Iye anali nthawi imeneyo, ndipo Iwo akadal Mawu a Mulungu oloseredwa kwa tsikuli, zomwe zimamupanga Iye Kuwala kumene kumawalitsa ndi kutsimikizira Mawu olonjezedwa.

¹¹⁷ Ife tiri mu nthawi yotsiriza, abwenzi. Yesu ali pano. Ine ndikudziwa kuti mwamvapo zimenezo.

¹¹⁸ Bwanji ngati inu mukanakhala kuti simunayambe mwawonapo, mmoyo wanu, ndipo inu simunakhalepo ndi kukhudza kwa kupenya, palibe munthu amene anateropo, koma apo ndi apo inu mumamverera kufunda kwenikweni? Ndipo ine nkukhala ndi kupenya, ine nkumakhoza kuwona, ndipo ine nkumakuuzani inu kuti linali dzuwa. Inu nkuti, “ine sindikudziwa momwe izo zimachitikira, koma ine ndikumverera, ngati kufunda, inu mukukhoza kumverera.”

Ine nkuti, “Limenelo ndi dzuwa.”

“Kodi dzuwa ndi chiyani?”

“Ndi kuwala.”

“Kodi kuwala ndi chiyani?” Izo zonse zikanakhala dziko latopano kwa inu.

¹¹⁹ Koma nanga bwanji ngati ine nditakuuzani inu kuti Yesu Khristu wayima pano tsopano? Bwanji ngati ine nditakuuzani inu kuti Iye ali pakati pathu? Iye analonjeza izo. “Kulikonse kumene awiri kapena atatu asonkhana mu Dzina Langa, kumeneko ine ndiri pakati pawo. Kumeneko ine ndiriko!” Tsopano icho mwina ndi Choondi, kwa ine, *Ichi* chonse ndi Choondi, kapena Icho si Choondi chirichonse. *Ili* mwina ndi Lolondola, kapena silolondola.

¹²⁰ Tsopano, kunena za kukupulumutsani inu, Iye anachita zimenezo pamene Iye anafa pa Kalvare. Kukuchiritsani inu, Iye anachita zimenezo pamene Iye anafa pa Kalvare. Inu mukukhulupirira zimenezo. Mawu anati Iye anatero.

¹²¹ Tsopano chinthu chokhacho chimene Iye akanakhoza kuchita, ngati Iye akanati akuyima pano ndi—atavala suti iyi, imene Iye anandipatsa ine, zikanangokhala kutsimikizira kwa inu kuti Iye anali Mesiya.

¹²² Osati ndi zipsyera za msomali mdzanja Lake. Wachinyengo aliyense akhoza kuchita zimenezo, kuika zipsyera za msomali, ndi magazi pa nkhopre yake, ndi zipsyera ndi zinthu. Zimenezo zikhiza kuchitidwa. Izo zakhala ziripo. Anthu ambiri anapachikidwapo monga Iye. Izo sindizo.

¹²³ Koma Moyo Wake, chimene chinali mwa Iye! “Mwana sangachite kanthu, mwa Iye yekha, koma chimene Iye awawona Atate akuchita.” Ndi Moyo umene uli mwa Iye, umene unkatsimikizira. Osati chifukwa Iye anali Myuda nchifukwa mkazi wamng’ono pa chitsime anamukhulupirira Iye kuti anali Mesiya; chifukwa Iye ankakhoza kuzindikira maganizo a mu mtima mwake, nzomwe zinampanga Iye Mesiya. Ngati iyo inali njira imene Mesiya anadziwonetsera Yekha mu masiku apitawo, imeneyo inali njira Yake yoperekedwa kuti adzidziwitse Yekha. Ndiyo njira Yake yoperekedwa, malingana ndi Lemba, ya m’badwo uno. Kodi inu mukukhulupirira zimenezo?

¹²⁴ Tsopano, aliyense wa inu pano, ndine mlendo. Ine ndinayang’ana apo ndi apo, ine sindikumuwona munthu yemwe ndikumudziwa. Aliyense muno, yemwe sakundidziwa ine, ndipo mukudziwa kuti ine sindikudziwa kanthu za inu, kwezani mmwamba manja anu. Zogwirika, paliponse. Munthu uyu wagonapa pa machira, anakweza mmwamba dzanja lake. Iye samandidziwa ine. Palibe amene akundidziwa ine.

¹²⁵ Koma kumbukirani, Mulungu amakudziwani inu. Mulungu amakudziwani inu. Tsopano, ngati Iye atatsimikizira kuti Iye ali pano.

“Kodi izo ndi chiyani, M’bale Branham?” Ndi mphatso.

¹²⁶ Kodi mphatso ndi chiyani? Kodi mphatso ndi chiyani, mulimonse? Osati kutenga chinachake ndi kumagwiritsa ntchito chinachake, kumati, “ine ndiri ndi mphatso ya machiritsa! Ine ndimapita uko ndi kukamuchiza mmodzi *uyu*, kukamuchiza mmodzi *uyo*.” Ngati ine ndingathe, ine ndithudi bwensi ndikuchita zimenezo. Tsopano, koma, mphatso, ndipo ndinu—ndinu... Inu mumatanthauzira molakwika mphatso. *Mphatso* ndi basi “kudzichotsapo wekha panjirayo ndi kulola Mzimu Woyeru ukugwiritsa iwe ntchito.” Mukuona? Ndiyo mphatso.

¹²⁷ Ndi chimene mtumiki ali. Iye samalalikira zimene iye akufuna kulaalikira. Iye amangodzichotsapo yekha panjira, ndi mphatso, ndipo kudzoza kumabwerapo, ndipo iye—iye amayankhula kudzera mu kudzoza kwa Mzimu Woyeru. Mphatso ina iliyonse ndi chimodzimodzi. Tsopano, mphatso zautumiki, ndi zina zotero, zakhala ziripo. Ziripo, poyamba, mwa mphatso zoperekedwa ndi Mulungu, ndi, “poyamba

atumwi, aneneri, aphunzitsi, abusa, ndi alaliki.” Ndiwo maudindo. Ndizo mphatso zathu.

¹²⁸ Tsopano, Yesu Khristu analonjeza kuti Iye adzachita izi mmasiku otsiriza. Ngati Iye achita izo, ngati Iye alonjeza izo ndipo adzazichita izo, ndi angati ati akhulupirire ndipo amuvomereza Iye, usikuuno? Kwezani mmwamba dzanja lanu, nenani, “ine ndimulandira Iye.” Ndi angati muno ndiye... Zikomo inu. Ndi angati muno amene sanakhalepo mu umodzi wa misonkhano mmbuyomu, kwezani mmwamba manja anu. Mai, pafupifupi theka la unyinji. Ndi angati akukhulupirira, Iye asanachite izo, inu mukhulupirira mulimonse? Mulungu akudalitseni inu.

¹²⁹ Tsopano taonani. Ngati ine ndakuwuzani inu Choonadi, Mulungu ndi wokakamizika kundiyankha ine. Iye atero. Iye amaika Mawu Ake mkamwa mwanu ndipo Iwo amadzachitika. Ndiko kulondola, Ndi Mawu Ake, Iwo ayenera kuchita zimenezo. “Ine ndatumiza Mawu Anga, Iwo sadzabwerera pachabe.”

¹³⁰ Tsopano, ngati ine ndikanakhoza kuchiza, ine ndikanakhoza kuchita izo. Monga ngati wolemekeze ka, malemu, M'bale Upshaw yemwe ife tinali kumukamba. Bambo wachikulire uja atakhala kumbuyo uko mu chikuku icho, bambo wachikulire wochirimika, ine ndikanamuchirtsia iye ngati ine ndikanakhoza. Ine ndinayamba kuchoka pa nsanja, moona, ndipo ine ndinapotoloka ndipo ndinamuwona iye mmasomphenya, akupita, akuyenda. Ndinamuitana iye, ndinamuza iye chimene icho chinali, ndipo icho chinali icho. Iye anaimirira ndipo anayenda, anabwera ku nsanja, anagwira zala zake zakuphazi, atakhala wolumala kwa zaka sikisite-sikisi. Mukuona?

¹³¹ Usiku womwewo, dona wachikuda, ali ndi mwana wake, kumusi uko kumbali. Ine ndinati, “ine ndikuwona a—dokotala atavala magalasi, ndipo—ndipo akumuchita opareshoni mtsikana wamng'ono, wachikuda, ndipo izo zamulumalitsa iye kuyambira pakhosi pake.”

¹³² Mkazi wachikulire wachikuda, inu simukanakhoza nkomwe kumugwira iye pa nsanja. Iye anati, “Ambuye, chifundo, uyo ndi mwana wanga!” Ndipo apa iye anabwera, gulu la othandizira sankakhoza nkomwe kumugwira iye.

¹³³ Ine ndinati, “Azakhali, izo sizikuchitirani bwino kuti mubwere kuno. Izo sindizo... Ameneyo ndi Mulungu.” Ine ndinati, “Izo sizikuchitirani bwino kubwera kuno. Mungokhulupirira.” Ndipo iye anagwada pa maondo ake ndipo anayamba kupemphera. Ine ndinayang'ana kudutsa mwa omvetsera ndipo ine ndinawona kakhwalala, ngati, akupita. Ine ndinamuwona mtsikana wamng'ono wachikuda ali ndi chidole mmanja mwake, akupita kudutsa mkakhwalala. Ndipo ine ndinayang'ana pa mtsikana wamng'ono, wachikuda,

ndinayang'ana mmbuyo, ndipo iye anali yemweyo. Ine ndinati, "Layankhidwa." Iye ananyamuka, ndipo anachoka pa machirawo. Mukuona?

¹³⁴ Ndi Mulungu. Mukuona? Ndi Mulungu. Mukuona? Iye sangakhoze... Palibe amene angachiritse. Ndi chikhulupiriro chanu mwa Mulungu.

¹³⁵ Tsopano, Baibulo linanena, kuti, "Iye ndi Wansembe Wamkulu, pakali pano, yemwe angakhoze kukhudzidwa ndi kumverera kwa zifooko zathu." Kodi inu mukukhulupirira zimenezo? Wansembe Wamkulu! Tsopano, ngati Iye ali Wansembe Wamkulu, kodi Iye angachite motani? Ngati Iye ali yemweyo dzulo, lero, ndi kwanthawizonse, Iye angachite chimodzimodzi dzulo, lero, ndi kwanthawizonse.

¹³⁶ Tsopano inu muzipemphera, ndipo mulole Mzimu Woyeria ndiye... Inu mukuti kwa Mulungu, "Mulungu, munthu uyu waima apoyo sakundidziwa ine, koma zimene Iye akunena zikumveka zamzeru. Inu ndinu yemweyo. Inu ndinu Khristu. Ine ndikudwala. Ine ndikufuna. Ndipo ngati Inu mungandilole ine mwina... Ngati ine ndiribe chikhulupiriro choti ndichitire zimenezo, mulole winawake yemwe ine ndikumudziwa akhale nacho chikhulupiriro, ndipo mulole izo... Inu muitane ndipo mulole—mulole—mundilole ine kapena munthu ameneyo akhudze mphonje ya Chovala Chanu mu Ulemelero. Ndiye ngati munthu ameneyo sali panjira, ndiye Inu mugwiritsé ntchito pakamwa pake moyankha, ndipo mungochita izo monga momwe Inu munachitira pamene Inu munali pa dziko lapansi. Ine ndidzadziwa kuti Inu ndinu yemweyo dzulo, lero, ndi kwanthawizonse."

Tiyeni ife tiweramitse mitu yathu tsopano.

¹³⁷ Ambuye Yesu, kutembenuka kuchoka ku uvangeli kupita ku ntchito yauneneri, komabe ine ndikukhulupirirani Inu, Ambuye, Inu munalonjeza izo. Ndipo ine ndikupemphera kuti Inu mupereke izo, usikuuno. Perekani izi. Ndimvereni ine. Pamene omvetsera awa azichoka pano, usikuuno, ndipo ife tikupita kwathu, mulole ife tikanene monga iwo amene ankachokera ku Emau, "Kodi mitima yathu siinatenthe mkati mwathu pamene Iye amayankhula nafe mu njira?" Yesu anaukitsidwa kwa akufa; iwo sanadziwe zimenezo. Iwo anali akuyankhula naye Iye; iwo sanadziwe zimenezo. Koma pamene Iye anawatengera iwo mnyumba, ndipo nkutseka chitseko, ndiye Iye anachita chinachake momwe Iye ankachitira izo Iye asanapachikidwe. Chimenecho chinawatsegula maso awo. Iwo anawona kuti anali Iyeyo. Panonso, Ambuye, mulole mitima yathu itenthe pamene ife tizipita kwathu usikuuno, monga yawo inachitira. Pakuti ife tikudziwa kuti Inu mwayankhula nafe panjirayi. Chitani zinthuzo, usikuuno, zimene Inu munkazichita pamene Inu munali padziko lapansi, pakuti Inu ndinu yemweyo

dzulo, lero, ndi kwanthawizonse. Ife tikupempha mu Dzina la Yesu. Ameni.

¹³⁸ Tsopano mukhale mu pemphero ndipo mungokhulupirira. Tiyeni tipatulire mbali *iyi*, choyamba. Ziribe kanthu komwe inu muli, mchipinda chino, mumukhulupirire Mulungu. Ine ndikukhumba kuti aliyense akanakhala wolemekeza kwenikweni ndi kukhala chete, kumapemphera.

¹³⁹ Izi sizingathekenkomwe. Ine ndinali kuyankhula mmawa uno, pa kadzutsa wa azitumiki, “chododometsa.” *Chododometsa* ndi chodabwitsa, “chinachake chodabwitsa, komabe choona.” Inu mukudziwa kuti Mzimu Woyeru ukhoza kuyima pano ndi kuyankhula chinachake mwa omvetsera awo, kwa anthu omwe ine sindikuwadziwa, icho chiyenera kukhala chododometsa. Ndi chinachake chimene sicingakhoze kufotokozedwa. Ine sindikudziwa kuti Iye atero. Ine ndikungoyembekeza kuti Iye atero, ndikudalira kuti Iye atero.

¹⁴⁰ Tsopano ingopempherani, ndikuti, “Ambuye Yesu, ine ndikufuna kukhudza chovala Chanu, ndipo ine—ine ndiri ndi chosowa. Ine ndikukulonjezani Inu, Ambuye, nditero—ine ndidzakutumikirani Inu moyo wanga wonse.” Mulungu akufuna kuti inu mulape. Ngati inu simunalapepo; lapani, nenani, “ine ndikufuna kuti ndilape, Ambuye. Ine ndikufuna kuti Inu mundichiritse ine. Ine ndikufuna Inu mundidalitse ine. Ndichiritseni ine tsopano Ambuye. Ine ndine wantchito Wanu.”

¹⁴¹ Ine ndimati... Kodi inu munapereka makadi apemphero lero? Ine ndimati ndimufunse Billy ngati... Ngati sanachite zimenezo, ine ndingayitane mzere wa pemphero. Koma iwo sanapereke konse makadi apemphero lero. Ingokhalani molemekeza, khulupirirani.

¹⁴² Tsopano, mu Dzina la Yesu Khristu, ine ndikutengera mzymu uliwonse pano pansi pa ulamuliro wanga, kwa ulemelero wa Mulungu, kuti Mawu Ake adziwike, kuti pa Tsiku la Chiweruzo ife tisadzakhale ndi chowiringula.

¹⁴³ Tsopano muyang’ane mbali *iyi*, ndipo mukhulupirire tsopano. Mupemphera ndi mtima wanu wonse, ndipo mungopemphera, ndipo modzichepetsa. Osamenyana nawo Iwo. Mungozimasula nokha, ndikuti, “Ambuye, Inu munapanga lonjezo. Ine ndikukhulupirirani Inu.” Ndizo zimene ine ndiyenera kuchita.

¹⁴⁴ Ine ndikudziwa kuti palibe chifukwa choti ine ndizikufunsani inu. Ndi angati anayamba akuwonapo Kuwala kumenek? Tiyeni tiwone. Inu munachiwonapo chithunzi cha Iko. Tiyeni tiwone manja anu, omwe anayamba achiwonapo chithunzi cha Iko. Kodi inu simukukuwona Iko apo pomwe? Mwaona, ndi dera lina. Kuli pa dona uyo.

¹⁴⁵ Iye akuvutika ndi miyendo ndi nsana. Iye... Kodi inu mukhulupirira kuti Mulungu akhoza kukuchizani inu,

mlongo? Kodi inu mwakhudza chiyani? Inu simukundidziwa ine, koma inu mwakhudza Chinachake. Ngati Ambuye Yesu angandiuze ine yemwe inu muli, kodi izo zikupangani inu kukhulupirira bwinoko? Ndinu Akazi a Phillips. Ngati izo zirizoon, imani pa mapazi anu. Chabwino. Kodi ndine mlendo kwathunthu kwa inu? Kwezani mmwamba dzanja lanu ngati izo nzoona. Ine sindinayambe ndamuwonapo iye mmoyo wanga. Kodi iye anakhudza chiyani? Pitani mukayankhule ndi mkaziyo, zikatha izi. Kupweteka konse kwatheratu tsopano. Inu muli bwino. Inu mukhoza kupita kwanu ndi kukakhala bwino.

¹⁴⁶ Pano pali dona, kumbuyo uko kuseri kwa iye apo. Iye akuvutika ndi kusokonezeka kwamanjenje. O Mulungu, ngati iye satero... Dzina lake ndi Akazi a Star. Khulupirirani, Yesu Khristu akuchizani inu. Imirirani pa mapazi anu ndipo mulandire machiritso anu. Ngati ndine mlendo kwa inu, gwedezani manja anu. Kusokonezeka kwanu kwatha. Yesu Khristu wakuchizani inu.

¹⁴⁷ Kodi Iye analonjeza chiyani? Iye analonjeza izo. Kodi inu mukukhulupirira?

¹⁴⁸ Pali dona kumbuyo kwake komwe kwa iye, wakhala pamene. Iye akupemphera. Iye ndi wamanjenje, ali ndi zosokonezeka. Iye akufuna kusiya kusuta. Dzina lake ndi Akazi a Bordon. Dzukani, Akazi a Bordon. Ndudu zanu zatha. Yesu Khristu wakuchizani inu. Ine sindinayambe ndawawonapo akaziwo mmoyo wanga.

¹⁴⁹ Kodi inu mukukhulupirira? Tsopano inu mukudziwa kuti ine sindingathe kuchita zimenezo. Ameneyo ndi Yesu Khristu. Ndi chiyani chimenecho? "Mawu ndi achangu, amphanvu kwambiri, kuposa lupanga lakuthwa konsekone, ozindikira a malingaliro ndi zolina za mtima." Ndi Mawu, Yesu Khristu yemweyo dzulo, lero, ndi kwanthawizonse. Kodi inu simukukhulupirira zimenezo?

¹⁵⁰ Apa, apa pakhala bambo wakhala apa, ali ndi mwela, vuto la mtima. Uko nkulondola. Ine sindikumudziwa bamboyo. Ine sindinayambe ndamuwonapo iye. Koma iye ndi mtumiki. M'busa, Bambo Kinsey. Uko nkulondola. Kodi inu mukukhulupirira, bwana? Imirirani pa mapazi anu ndipo mulandire machiritso anu. Yesu Khristu wakuchizani inu.

¹⁵¹ Tiri pomwepo, kodi inu mungandikomere mtima, pokhala ndinu mtumiki? Ikani manja anu pa mkazi wanu, iye akuvutika ndi vuto la impso, ndi vuto la chiwindi, kunenepa kwambiri, ndi zosokonezeka. Muyike manja anu pa iye. Izo zimuchokera iye, ngati inu mukukhulupirira.

¹⁵² Kuti, pali bambo wakhala kumbuyo kwanu komwe, iye ali ndi mthunzi wa imfa. Iye ali ndi khansa. Bamboyo akudwala chotupa, khansa, manjenje. Dzina lake ndi Bambo Young. Mukhulupirire tsopano. Yesu Khristu wakuchizani inu. Kodi

inu mukukhulupirira zimenezo? Kodi inu mukuvomereza izo? Chabwino, bwana.

¹⁵³ Apa pagona mwamuna, wagona apa pa machira awa. Bwana, ine sindikukudziwani inu. Ngati ine ndingakuchizeni inu, ine ndingachite zimenezo. Ndine mlendo kwa inu. Inu mwabwera njira yonseyi. Inu mwayesetsa kuti mubwere kuno. Inu simungakhoze kubisa vuto lanu; koma ine sindingathe kukuchiritsani inu. Inu mwabwera kuno ndi mkazi wanu. Ndi uyo wakhala apoyo wavalal chikhoto cha mtundu wa pitchesi. Uko nkulondola. Chabwino. Munthuyo ali ndi mthunzi wa imfa; iye sangakhoze kukhala moyo koma kanthawi pang'ono tsopano. Iye ali ndi khansa.

¹⁵⁴ Inu mukuvutika, nanunso, mlongo. Inu mukukhulupirira kuti Mulungu akhoza kundiiza ine chimene inu mukuvutikana nacho? Ndi vuto lanu la nsana. Uko nkulondola. Ngati izo nzoona, dzukani. Chabwino, inu mulandire machiritso anu. Mukhulupirire izo. Muike dzanja lanu pa amuna anu.

¹⁵⁵ Kodi inu mukundikhulupirira ine kuti ndine mneneri Wake, bwana? Ngati mutagone pamenepe, ndithudi inu mufa. Inu simungakhale moyo. Ndizo zonse. Madokotala akulepherani. Khansa yakudyani inu. Ine ndawonapo matenda aakulu kuposa anuwa akuchiritsidwa. Ine sindingathe kukuchiritsani inu. Koma ngati inu mungavomereze izo ndi kuzikhulupirira izo! Kodi inu mukukhulupirira izo? Ndi mwayi wanu wokhawo. Nthawi zanu zomalizira zikupita. Kodi inu mukukhulupirira izo? Ngati inu mukutero, imirirani pa machira amenewo. Imirirani kuchoka pamenepe, mu Dzina la Yesu Khristu! Imirirani pa mapazi anu ndipo mukhale wamphumphu, ndipo muziyenda kuchoka pano, mukulemekeza Mulungu. Winawake amugwire iye dzanja pamenepe, muthandizeni iye. Ndi uyo apo, pa mapazi ake.

¹⁵⁶ Ndi angati muno akukhulupirira? Kwezani mmwamba manja anu. Imirirani pa mapazi anu. Nonse a inu amene mukufuna kuti muchiritsidwe, imirirani, mu Dzina la Yesu Khristu. Kwezani mmwamba manja anu, lemekezani Mulungu. Mpatseni Iye matamando ndi ulemelero. Tsopano mumuthokoze Ambuye chifukwa cha machiritso anu, Yesu Khristu yemweyo dzulo, lero, ndi kwanthawizonse!

¹⁵⁷ M'bale, madokotala alephera. Iyi ndi njira yoperekedwa ndi Mulungu. Khulupirirani iyo!

¹⁵⁸ Ndi angati akufuna kuvomereza njira yoperekedwa ndi Mulungu? Kwezani mmwamba manja anu ndi kupereka matamando kwa Mulungu, aliyense wa inu, ndipo mukhulupirire kuti mwachiritsidwa, mu Dzina la Yesu Khristu. Ameni.



NJIRA YOPEREKWEDWA NDI MULUNGU YA TSIKU LINO CHA64-0206E
(God's Provided Way For This Day)

Uthenga uwu wa M'bale William Marrion Branham, woperekedwa mu Chingerezi Lachinayi madzulo, Feburuwale 6, 1964, ku Kern Country Fairgrounds mu Bakersfield, California, U.S.A., unatengedwa kuchokera pa matepi ojambulidwa ndi maginito nudindidwa mosachotsera mawu ena mu Chingerezi. Kumasulira kwa Chichewa uku kunadindidwa ndi kugawidwa ndi Voice Of God Recordings.

CHICHEWA

©2022 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chidziwitso kwa ofuna kusindikiza

Mafulu onse ndi osungidwa. Bukhu ili mukhoza ku printa kunyumba kwanu ngati mutafuna kuti mugwiritse ntchito inuyo kapena kuti mukawapatse ena, ulere, ngati chida chofalitsira Uthenga wa Yesu Khristu. Bukhu ili simungathe kuligulitsa, kulichulukitsa kuti akhalepo ambiri, kuikidwa pa intaneti, kukaliika pakuti ena azitengapo, kumasuliridwa mu zinenero zina, kapena kugwiritsidwa ntchito ngati njira yopezera ndalama popanda chilolezo chochita kulembedwa ndi a Voice Of God Recordings®.

Ngati mukufuna kuti mumve zambiri kapena ngati mukufuna zipangizo zina zimene tiri nazo, chonde mulembere ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org